

19 September 2018 (Rabu)



Greg Creed (tengah) semasa merasmikan pelancaran perasmian KC ke 700 di Bandar Sri Sendayan, semalam.

KFC ke-700 di Bandar Sri Sendayan

SEREMBAN - QSR Brands (M)Holdings Bhd (QSR Brands) semalam melancarkan pembukaan cawangan KFC ke-700 di Bandar Sri Sendayan.

Pelancaran perasmian disempurnakan Ketua Pegawai Eksekutif Yum! Brands Inc, Greg Creed sempena meraikan pencapaian istimewa KFC Malaysia bersama Ketua Eksekutif Johor Corporation, Datuk Kamaluzzaman Abu Kassim dan Timbalan Pengurusi Kumpulan Eksekutif Matrix Concepts, Datuk Lee Tian Hock.

Pengendali tunggal lebih 1,080 restoran KFC dan Pizza Hut di Malaysia itu yakin pembukaan cawangan baharu menjadi peneraju dalam memenuhi permintaan komersial di Bandar Sri Sendayan.

Pengarah Urusan QSR Brands, Datuk Seri Mohamed Azahari Mohamed Kamil

berkata, kerjasama bersama Matrix Concept Holdings Berhad mampu membawa kemajuan lebih baik pada masa akan datang.

Katanya, restoran KFC pertama yang dibuka di Bandar Sri Sendayan dapat memberi manfaat kepada lebih 50,000 penduduk sekitar Sendayan termasuk Gading Jaya.

Restoran KFC 24 jam di Sendayan ini mampu menampung 170 pelanggan pada satu masa serta dilengkapi kemudahan pandu lalu.

Selain itu, di kawasan khidmat pandu lalu dibina dengan teknologi penjimatan tenaga dan ciri mesra alam dengan sistem pengumpulan air hujan, pencahayaan LED, tiub lampu solar, lampu sensor gerakan dan kaca beremisi rendah.